



ROYAL MALAYSIA NAVY

Company Profile

Sejak Malayan Naval Force ditubuhkan pada 24hb Disember 1948 ia telah berkembang secara sederhana oleh kerana kekurangan wang. Namun begitu pertambahan anggotanya agak pesat. Royal Navy telah menghadiahkan beberapa buah kapal kepada pasukan itu untuk membolehkannya menjalankan tugas-tugas latihan dan operasi dalam keadaan terhad. Sebahagian besar dari pegawai-pegawai dan jurulatihnya dipinjam dari Royal Navy.

PENGURNIAAN TARAF DIRAJA

Setelah wujud kira-kira 3 tahun, Pasukan Malayan Naval Force mencatatkan satu sejarah pada 29hb Ogos 1952, apabila ia dianugerahkan taraf 'Diraja' oleh Kerajaan British. Anugerah telah dikurniakan sendiri oleh Ratu British, Queen Elizabeth II, berdasar kepada jasa-jasa serta pengorbanan yang telah ditunjukkan oleh pasukan semenjak mula ditubuhkan dalam tahun 1939. Dengan penganugerahan taraf 'Diraja' itu maka semua pangkalan dan kapal-kapal Malayan Naval Force kemudiannya dikenali dengan panggilan Her Majesty Malayan Ship (HMMS). Pangkalan tunggal yang ada di Singapura dikenali sebagai HMMS MALAYA.

Serentak dengan penganugerahan taraf Diraja itu nama Malayan Naval Force telah ditukar kepada Royal Malayan Navy (RMN). Ia telah disiarkan dalam Singapore Government Gazette (Change of Name). Upacara penukaran sepenuhnya telah diadakan pada 29hb Ogos 1952 bendera putih lambang Royal Malayan Navy buat pertama kalinya dinaik untuk menggantikan bendera biru Royal Navy.

<https://www.navy.mil.my/ms/>

